

gen/das ist/dem Teuffel/der selbe ist jr Gott
vnd Vater / ein Vater aller Lügen / Wollen
gleich wol die liebsten Kindlin/ vnd grosssten
Heiligen sein.

Denn es ist beschlossen/vnd also hat sich
Gott selbs vns offenbaret/das er sey/ein Ei-
niger Gott / Schepffer vnd Vater Dimels
vnd der Erden/Vnd der selbige Einige Gott
Schepffer vnd Vater aller Welt / sey ein na-
turlicher Vater eines Einigen Sons in der
Gottheit/Vnd derselbige einige Gott/Sche-
pffer vnd Vater aller Welt / sey ein Einiger
naturlicher Son des Vaters in der Gottheit/
Vnd der selbige einige Gott / Schepffer vnd
Vater aller Welt/sey ein Heiliger geist/vom
Vater vnd Sone in der Gottheit / Denn die
drey vnterschiedliche Personen / sind ein Ei-
niger Gott/Schepffer vnd Vater aller welt/
Vnd ein igliche Person / ist der selbige völlige
einige Gott/Schepffer vnd Vater aller welt/
Vnd wenn du Ihesum Christum anruffest/
vnd sprichst / O mein lieber DEXX Gott/
mein Schepffer vnd Vater Ihesu Christe/du
einiger ewiger Gott / darffestu nicht sorgen/
das der Vater vnd Heiliger geist drumb zur-
ne / Sondern erkennen / das welche Person
du anruffest/ gleich alle drey Personen / vnd
den Einigen Gott anruffest / Denn du kanst
keine Person/on die andern anruffen/Sintemal/da